



Future-proofing our children

Taelo ya Silumeli 1

Toho ya Tuto Ciseho ye zwelela mwa tumelo-Elia

Buka ya Bashemi

Sikolo sa la Sunda sa mwa Malapa



Balatiwa Bashemi

Mu amuhelwa kwa tuto ya “**Ciseho ye zwelela mwa tumelo - Elia**” ya sikolo sa taelo ya silumeli

1. Pampili ye, imi tusa hainyani ka mo, muswanel ku fela tuto ye:

Mo muswanela ku itukiseza ni fa tuto ye

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: - Bibele - Ma pampili a likisizwe kale a tuto ye. - Buka mwa sebeleza mwanana, lopitoloto ni lipendiso za banana, ni zeñwi cwalo. - Video ye lukisizwe, ye kona ku sebeliswa ku ekeza fa halimu a tuto (ha ku konahala) - Katekisema ni buka ya lipuzo ni likalabo (Kwa banana ba bali mwa lotopa za Tiisezo) Mamela: 2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kau hanyizwe ka itopa (Sikolo sa la Sunda, Taelo ya silumelo ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.
4.	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni fa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la sunda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.
4. Muongaongi ni muluti wa sikolo sa la Sunda mwa kopano yamina ba teni kuli bami tuse.

	



Tuto

Toho ya tuto	“Ciseho ye zwelela mwa tumelo ni tapelo – Mupolofita Elia”
Timana ya Bibe Text	1 Malena 17, 1 Malena 18 ni 2 Malena 11:9 – 11.
Mutomo/ butokwa bwa tuto	Banana ba ziba kuli Mulimu u amuhela ciseho ye zwelela mwa tumelo ni tapelo.

Tuto ye kusufalizwe:

- Nako yeo mulena Akabe ha ba mulena wa Isilaele, a eza burnaswe ku fita malena kaufela bene baliteni pili yena asika ba kale mulena.
- Mulena Akabe na sika fulalela feela Mulimu ya pila ku fa tompo ku mulimu wa Baale kono mane na susumeza sicaba ku eza taba ye swana.
- Batu bene ba hana ku lapela Baale ne ba nyandiswa kamba ku lelekiwa mwa naha. Mupolofita wa Mulimu kaufela ya na fumaniwa na bulaiwa.
- Zazi lelimwi mulena a utwa linzwi mi muta ya na sa zibi a to yema fa pila hae.
- Sina Mulena wa Isilaele ya pila, ku ta ba ni linanga le lituna hahulu, ku tokwe nihaili puka kamba pula, ku fitela fo ni ta i laelela” Elia mupolofita a fa liñusa lelizwa ku Mulena Mulimu.”
- Elia a kwenuha ni ku zamaya kono batu ne ba sika teezeza mamela ya Mulimu.
- Ka lilomo ze talu, ha kuna pula yene nelile mwa Isilaele, hakuna sene si melilo mi batu ba tokwa za kuca.
- Batu cwale ba kala ku hupula kaza mamela ya Mulimu.
- Mulena a bona kuli naha ne ifetuha ku ba lihalaupa mi cwale a lumela liñusa la ku fumana Elia.
- Elia na sa fumanahi mwa nako yeo.
- Mulena a telwa ki bunyemi. Mulimu a bulelela Elia kuli aye ku Akabe mi cwale u ka nelisa pula fa lifasi.
- Elia kiha ya mi a katana Obadia ya na talima za ndu ya bulena “U ye, u y'o bulelela muñ'a hao, yena mulena, kuli ki na yo kwanu.”
- Cwale Obadia a y'o bulelela Mulena Akabe, mi yena a funduka ku y'o katanyeza Elia.
- Elia na sika saba mi a libelela mulena kuli afite.
- Mulena atezeza Elia ha na mubulelela ku u laele batu ba Isilaele kaufela ni ba polofita ba Baale ku yo kopana kwa lilundu la Karimele .
- Elia na bata kuli batu ba bone kuli Mulimu ki ya maata.
- Batu ba teezeza ku Elia hanza bulela kuli ki yena feela mupolofita wa Mulimu kono Baale nana ni mapolofita ba mianda ye mine ni bapolofita ba mashumi a ketalizoho 450.
- Ba lukisa litabelo ku sina ku tukisa mulilo bona beñi. Ba kala ku lapela ku Baale mi Elia yena a biza fa libizo la Muñ a Bupilo; ya ka alaba ka ku tukisa mulilo.



- Mulimu ya ka alaba ka ku tukisa mulilo fa sitabelo ki yena Mulimu luli yo.”
- Cwale ba polofita ba Baale ba lapela lizazi kaufela kuli a tukise mulilo fa sitabelo se si fa aletare kono hakuna mulilo ono tile.
- Elia a sela mezi fa aletare ya hae, ni ku beya fateñi yeñwi mi a beya poho ye ne lukisizwe kuli i eziwe sitabelo sa ku cisa cwale a lapela ali: ““Oho Mulena Mulimu wa Isilaele, cwale u bonise kacenu kuli ki wena Mulimu, ni kuli na, ni mutang'a hao”
- Mulilo wa nela ku zwa kwahalimu ona foo feela.
- Batu ha ba bona cwalo ba ikwiseza fafasi, mi ba huweleza, ba li, “Muñ'a Bupilo ki Mulimu! Muñ'a Bupilo ki yena Mulimu a nosi!” sicaba kaufela za lumheka ni ku tompa Mulena ya pila anosi.
- Elia cwale a luma mutanga hae ku yo bulelela Mulena Akabe kuli yena u utwa mulumo wa pula. Ni kuli batu ba bakile ni ku kutela ku Mulimu.

Kanti tuto ye ilu luta sikamani?

Elia na pilile mwa nako yeo ku sa ba ni tunelo neli ko kutuna mi batu ba banyinyani feela kona be ne ba lumela ku Mulimu.	Kacenu le mwa libaka ze ñata mwa lifasi batu ba banyinyan ba lumela ku Mulimu ndate, mwana ni moya o kenile. Ba pila ka mikwa yesi ya bu Mulimu.
Elia na kona ku ikutwa kuli neli yena anosi ya na lumela ku Mulimu.	Lu swanela ku kumalela kwa tumelo ya luna ni ku ikabela tumelo ya luna ni babamwi.
Elia na sika lumela ku sitataliswa mwa tumelo ya hae.	Lu swanela ku zwelapili kuba ni tumelo ni ku sepa Mulimu sina Elia.

Elia na sepa Mulimu mi na latelela.	<i>Kana nu luna lwa latelela ni ku sepa Mulimu?</i>
Elia na na ni maata kuzwelela fa tumelo, Neli yena feela yeneli mupolofita wa Mulimu ya na lwanisana ni mapolofita ni malena ba mwa nako yeo.	<i>Kana luna ni tumelo ya ku bulela kaza musebezi wa Mulimu kwa balikani ba luna?</i>
Elia na tezi ciseho ya Mulimu mi na bata batu ba mwa nako yeo ku bona maata ni kutiya kwa Mulimu wa hae.	<i>Kana luna ni ciseho ya musebezi wa Mulimu?</i>
Mulimu na sika lumelela Elia ku timela, na ngilwe mwa lilu la mulilo. Pili a sika siya kale lifasi, na keta Elisha ku ba ya na muyola.	<i>Kana lu libelezi Mulimu kuli a lumeleze mwana hae Jesu ku taha ni ku to lunga hamoho ni bana ba Mulimu kaufela?, kana lui tukiselize ku ya kuyo pila ni Mulimu mwa mubuso wa hae kuya kuile?</i>



Mu eze musebezi wa pili, ni wa bubeli (1 ni 2) ni mwana mina.

Likalabo kwa misebezi wa bubeli - 2.

1. Jezabele	1. Pulu
2. Alutare /Katala	2. Mulilo
3. Akabe	3. Lupepo
4. Mupolofita	2. Ashitaroti
5. Pula	3. Maisilaele
6. Lilundu la Karimele	4. Keriti

Lipuzo zemwi ze lukona ku buza:

1. Libizo la mupolofita wa Mulena neli mañi?

Kalabo: Elia

2. Batu ne ba bulelezi mupolofita kuli a eze sika mañi?

Kalabo: Zamaya uyo bulelela mulena Akabe kuli ha kuna kuba ni puka kamba pula, mwa lilomo ze talu”.

3. Ki mañi ya na fepa mupolofita zazi ni zazi kwa keriti?

Kalabo: Ki mañwalala.

4. Libaka ki lifi Mulimu hana ezize kuli ku sike kwa ba ni pula?

Kalabo: Ma Isilaele ne ba fetuhezi Mulimu.

5. Kiñi mupolofita wa Mulena ha na ezize mupolofita wa Baale ni Ashitaroti kuli ba yahe alutare ni sitabelo ni ku bize balimu ba bona kli ba tukise mulilo?

Kalabo: Ili kuli batu ba bine kuli bapolofita ba Baale ni Ashotaroti nesi bapolofita ba Mulimu ni ku kutisa batu kuli ba lumbeke Mulimu.





Tapelo ya bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kachenu

Fuyola bashemi ni banana ba luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

Lwa kupa, ulu lute mo lu swanela kuku sebeleza

Mi ulutuse ku eza tato ya Hao

Kuli lu hule mwa kuba bukaufi ni Wena

Luma Jesu ato lunga

Mi ulutuse kuba baba itukiselize ku mukatanyeza

Amen



Tapelo ka sa mulaho wa tuto:

Ndate ya kwa lihalimu ya lateha

Lwa itumela kwa kulu bukeleza.

U nituse ni be ni musa kwa batu kaufela.

Na itumela kuli u mulisani yo munde ya lu lata, ni ku lu etelela.

Amen